



## , Wënd kēed-a-la arzāna a sēn tug n tum tı yaa a soab fāa gilli

Yii a ‘Ubaadat nengē (Wënd yard be a yīnga) tı yii Nabiyaamā nengē (Wënd puusg la A tılgır be a yīnga) a yeelame : «Ned ning sēn wa n maan tı soab sēn na n tū n tılg ka be, rēnda Wënd A Yembre, lagem-n-taar ka be ne-A la a Muḥammad yaa Wënd yamba la A Tēn-tuuma, la a Yiisa yaa Wënd yamba n yaa A Tēn-tuumā, la A Gomd A sēn kō a Maryam nengē, la Vuusg sēn yi A nengē, la arzānā yaa sıda, la Bugmā yaa sıda, Wënd kēed-a-la arzāna a sēn tug n tum tı yaa a soab fāa gilli».

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Wënd Tēn-tuuma, (Wënd puusg la A tılgır be a yīnga) kōta kibare, ne ned ning sēn gom ne Tawhudā (Wēn-yembgā) gom-bilā, n mi a maanā wā la a tum a sēn ratā, la a maan kaset ne a Muḥammad yemdlemā, (Wënd puusg la A tılgır be a yīnga) la a sak n reeg a zugē ne a ḷsa yemdlemā la a tēn-tumdā, la a kō sıd tı Wënd naan-a lame ne A gomd A sēn yeel tı "yı" t'a sıd "yı" la a yaa yōor sēn be yōy nins pugē Wënd sēn naanā, la A fāog a ḷsa ma wā n yi būmb ning Yahuud-rāmbā sēn rōd-a wā, la a kō sıd tı arzānā yaa sıda, la Bugmā yaa sıda, n loe tı b yiibā beeme, la b yiibā yaa Wënd neema la A namsgo, n kell n maan kaalem ne rē, rēnd a baasg yaa arzāna, baa tı sã n mikame t'a tara maan-n-koεeg tūudmē wā la a tar zūnuub-rāmba.

<https://sunnah.global/hadeeth/mos/show/3417>

